



APPIE REGELT T WEL

Bliedspul in drij bedrieven

deur

JOHAN E.G. RUITER

TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl

VOORWAARDEN

Alle amateurverenigingen die het stuk: **APPIE REGELT T WEL** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **JOHAN E.G. RUITER** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: 2014 © Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **8** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten
van u te claimen, of te innen.**

PERSONEN:

Haarm Sikkemoa – Garageboas

Moeke “Mevraauw Sikkema” - Zien vraauw

Neeltje - Heur dochter

Elzo - Chefmonteur

Appie - Aankomend monteur

Freule - De Freule

Berendje Knollema - Kemissielid raaiske

Dientje Knollema - Heur zuster

DECOR:

t Toneel stelt veur t ketoortje van garagebedrief “Sikkema” en is nait aal te netjes, wat olle ploaten an de wand n bero met typemachine en tillefoon, n prullemand dij overloopt, twij stoulen bie n biezettoaveltje. Twij thermosflezzen op n kastje, stoetdeuskes der noast. Drij deuren d.w.z. aine noar ingang, aine noar privé en aine de garage in. Neeltje is drok met n reken, waor asdat zai nait goud oet komen ken.

EERSTE BEDRIEF

Neeltje: Hai, wat weer n geknoui in dij reken van Wolda. Doar ken ik zo toch ook gain taauw an vast knuppen. (*ropt noar achtern*) Elzo, kom ais eevm jong. (*Elzo komt op in ketelpak en veegt zok handen of an zien aaiwege poetslabbe*)

Elzo: Zeg t ais maaid, waar hest nou weer preblemen met?

Neeltje: Ik ben bezeg met de reken veur Wolda en hier staat wat en dat ken ik nait lezen. (*wiest an*)

Kiek doar staat iets van stuk, mor wat der veur staat, das ja compleet onlesboar.

Elzo: Oh, dat , doar stoat eh....., doar staat.....joa, mor dat ken ik ook nait lezen.

Neeltje: En dat hest doe toch zulf schreven?

Elzo: Joahoa, morreh.....

Neeltje: Oh, dus doe hest schreven leerd, mor hest vergeten t lezen ook te leren? Das den toch wel echt haile stom. (*Appie komt binnen*)

Appie: Most mie eevm helpen Elzo, ken dat?

Neeltje: Nee Appie.

Appie: Nee? Mout ik sums alles allent doun?

Neeltje: Ach nee jong, mor doe most mie ais efkes vertellen wat asdat der hier op dit waarkbraifke staat? Ik ken der niks van moaken en Elzo ook nait.

Appie: Wel het hom den schreven?

Neeltje: Elzo vanzulms.

Appie: En den mout ik hom lezen? Ken hai dat den zulf nait lezen of het hai zien bril vergeten of het hai gain lezen leerd?

Elzo: Joa, zo kent wel weer he? Lees nou mor eefkes. (*Appie dut dat*)

Appie: Nou, doar staat gewoon spruitstuk.

Neeltje: Spruitstuk? Was dat nou weer?

Appie: Nou das gewoon, de spruit is stuk en das n spruutje dij stokkend is en nou mout Elzo eevm langs de gruinteboer goan om n nij spruutje op te hoalen.

Elzo: Wat bist doe ja lolleg. Hou ver bist aigenlieks met de DAF van de freule?

Appie: Nou, ik ken doar niks an vinden. Ales draait zo as t heurt, wat zeg ik? t Draait as n naaimachientje.

Elzo: Mor dat ken toch nait. Zai zegt dat as zai instapt ales goud is en noa n menuut of tiene den begunt e te stötteren..

Appie: Nah, den mouten ze hom mor opnijs leren proaten, doar bennen haile goie cursussen veur op de stötterschoule

Elzo: Stötterschoule? Bestaait dij den?

Appie: Joazeker. Ik luip lest in stad en toun wuir ik anholden deur n man en dij zee: Kkkke ke kennen ie mmmmmimie ook vevevertellen woar of de setötsetötstötterschoule is?

Neeltje: En wat zeest doe toun Appie?

Appie: (*lachend*) Ik zee, doe noar de stötterschoule? Woarom, doe kenst t ja al.

Elzo: Ja, moak doe mor dast an t waark komst, der oet. (*Appie of*)Wat is dat sums toch ook n brutoal jonk.

Neeltje: Mor t is sums ook wel n laiverd heur.

Elzo: Nou hai mag n aander ook geern veur de gek hollen en doar is elk nait op gesteld.

Neeltje: Mor hai wil wel waarken, hai is tenminste altied met van ales an loop. Hai ken zo treken nait stilzitten. En lest het hai mie zo mor, n luk bosje bloumen mitnomen.

Elzo: Zel wat wezen wat hai mitnemt.

Neeltje: n Hail laif bossie snijklokjes.

Elzo: Het e zeker aarmswoar in n aander zien toene vonden.

Neeltje: Hai zee dat hai ze van zien ol mens kregen haar.

Elzo: Dij het joa hail gain toene.

Neeltje: Das mie ja ook wat. (*Boas Haarm komt binnen*) Goie mörgen pa.

Haarm: Ook goidag wicht en doe ook Elzo.

Elzo: Nog nijs boas, of ken ik eerst gewoon deurgoan?

Haarm: Woar bist met an loop Elzo?

Neeltje: Hai mout eerst noar de gruinteboer om spruten te hoalen.

Haarm: Hè? Spruten hoalen? Ho ais eevm, hai ken toch mor nait zo onner waarktied noar gruinteboer goan? Of is der aine zaik?

Elzo: Ach n grapje van Appie. Mainde dat e lolleg was. Hai het met DAF van de freule an loop west, mor hai ken der niks an vinden.

Haarm: En doe den? Doe bist toch de chefmonteur hier? Ik mag toch van die verwachten dast doe dat wel kenst?

Elzo: Dat is ook wel zo, mor dit is toch echt n haile grode probleem heur. Wie hebben der ales an doan, mor wie waiten t echt nait meer.

Haarm: k Wol dat ik heur dij auto nooit verkocht haar. n Ongeluksauto dat is t. Volgens mie is dat ding op n Moandagmörgen gaauw eevm in n kanner liemd. Der is auids wat met dat kreng.

Elzo: Met de freule?

Haarm: Nee snokkel met dij auto van heur vanzulms.

Elzo: Nou, ik zal den nog mor ais goan kieken (*gaait of*)

Neeltje: Mor pa ie zeden toch tegen heur dat t n goud woagentje was? Ik heur joe t nog zeggen. Mevraauw, dit boodschappenkarretje is persies wat ie zuiken. Is van n olle vraauw west, aaid s onner dak stoan. t Ridt apmoal vanzulf en ie kriegen der nooit wat met.

Haarm: Joa, mor dat was omdat ik der goud an verdainen kon, en joa wat dou je den?

Neeltje: Mor dat is den toch ook nait eerlieks?

Haarm: Och wicht wat most doe nog veul leren. Handel is nooit eerlieks, dat ken ook nait, want aans verdain je nog gain dreug brood.

Neeltje: Volgens mie verdainen ie dat nou ook nait, want as ik de bouken goud noakiek en t rapport van de accountant der bie lees den gaat der hier meer geld oet asdat der in komt.

Haarm: Kredietkrisis wicht, doar ontkomen wie ook nait an. t Het nog nooit zo slecht goan in onze brans. Traauwens as dit nog laank anholt, den ken ik de zaak beter dichtgooien, den verdain ik nog meer as nou.

Neeltje: Mor hou mout dat den met Appie en Elzo, dij kennen ie toch nait zo mor op stroat zetten?

Haarm: Nee, ik zel in ze hoes opnemen is e nou goud? Wie mouten wel zoakelek blieden maaid en dat gaat wel ais ten koste van mensen.

Neeltje: Das den ja verschrikkelieks. (*freule 'van Vos tot Diergaarde' komt binnen, lopt aaid s met n handtaske an d'aarm*)

Freule: Goedenmorgen saampjes.

Haarm: Goedenmorgen freule, hoe maakt u het? Kan ik u misschien dienen met een kopje vers gezette koffie? (*wenkt naar Neeltje, dij wil inschenken*)

Neeltje: Wilt u er ook een koekje bij?

Freule: Nee zeg, laat ik dat koekje maar niet doen, n kopje koffie , nee toch ook maar niet. Trouwens meneer Sikkema, wat is de status van de reparatie van mijn voiture?

Haarm: Ik denk, dat hij klaar staat mevrouw. De jongens hebben er de halve nacht aan doorgewerkt.

Freule: Maar dat was toch niet nodig geweest? Dat moet u niet weer doen. Ik wil de wagen gaarne weer klaar hebben, maar niet ten koste van hun nachtrust. Dat kan ik niet verlangen.

Haarm: Zij hebben het graag voor u over mevrouw.

Freule: Nou, dat zijn dan jongens naar mijn hart. Zij hebben tenminste nog hart voor de zaak.

Haarm: Zal ik u even voorgaan mevrouw?

Freule: Zeer gaarne, dag meisje.

Neeltje: Dag mevrouw. (*Haarm holt deur veur de freule open en zai goan of*) Wat n flauwe kul Zai hebben haart veur de zoak joa natuurlieks en de zoak is toch ook haard veur heur. (*telefoon gaat en zai nemt op*) Goedenmorgen met garagebedrijf SikkemaNou, dat zal ik even moeten nazien, maar volgens mij is die allang betaald..... Ja, de opdracht is direct de deur uitgegaan.....en nu nog niet binnen? Ja ik zal er bij de bank naar verstaan en ik bel u zo direct terug. (*hangt op*) Zo mouten ze nou nait begunnen. Aal dat ge-emmer over rekens dij nog nait betoald bennen. (*Moeke komt binnen*) Moi moeke, ook weer wakker?

Moeke: Hai neeltje, hoe vaak moet ik nou nog zeggen, dat je mij in de zaak moet aanspreken met maman.

Neeltje: Mor moeke toch, wie leven hier nait in Frankriek.

Moeke: Dat het er niets mee te maakn hoor. Je moet gewoon de stand ophoudn. Wij hebbn hier een groot garagebedrijf met personeel en een directeur (*Appie komt binnen en heurt met*)

Dit is een zaak met cachet, dat mag je niet vergeten.

Appie: Dag vrouw Sikkemoa. Wat heur ik nou. problemen met joen korset?

Neeltje: Appie, hol dien fatsoun.

Moeke: Je moet mij aanspreken met mevrouw, snotneus. Staat de auto klaar en is tie afvuld?

Appie: Joazeker (*ironisch*) mevraauw, ie kennen der zo instappen.

Moeke: Mooi, dan kan ik goan.

Appie: (*tegen Neeltje*) Mag ik eevm n nij waarkbraifke?

Neeltje: Ik pak hom vot eevm. (*zoekt in buro en op dat moment komen Haarm en de freule binnen*)

Freule: Dat is dan toch wel vervelend meneer Sikkema en ik zou zeggen kijk en zoek nog eens goed, want ik kan niet zonder mijn voiture. Gelukkig bleef hij gisteren op de hoek al staan en was het dus niet zo ver.

Haarm: Dat begrijp ik mevrouw. Ik zal onze Appie er nog maar eens een keertje mee aan het werk zetten.

Freule: Ja kijk een fikse ochtendwandeling is natuurlijk heel gezond, maar ik moet ook nog weer terug.

Haarm: Hij komt nu gegarandeerd als nieuw uit de reparatie hoor.

Freule: Nou dat hoop ik dan maar, want anders zal ik mij genoodzaakt zien om hem weer in te leveren.

Haarm: Wij zullen er alles aan doen om dat te voorkomen mevrouw.

Freule: Nou ja, dan zal ik mij maar weer te voet begeven.

Moeke: Maar dat is niet neudeg mevraauw hoor, ik ken u wel eevm brengn met onze eigen voi,... voietuut.... eh auto.

Appie: Eh boas? Ik heb n idee boas. Ken ik nait eevm met de freule oet rieden goan, den wait ik ook vot, wat der persies an de hand is den heur ik t ja met aigen ogen ja.

Moeke: Nee, dat kan nu niet Albert, ik breng mevraauw eevm heen.

Appie: Mor wie wollen dat toch geern oplözzen en messchain dut de freule wel wat verkeerd.

Moeke: Albertus! Luister naar mij.

Freule: Lijkt mij een uitstekend plan jongeman, ik ga met je mee.
(soamen of)

Moeke: (tegen Haarm) En doe letst hom zo mor goan, bist doe gain boas meer in dien aigen bedrief?

Haarm: Wat het dat der nou met van doun?Goa doe nou mor noar dien (overdreven) bridgeparty.

Moeke: Ach jullie ook. (gaait of)

Neeltje: le zeden tegen de freule, dat de jongens der de haalve nacht an waarkt hadden, dat was toch nait zo?

Haarm: Eh...neehee..mor eh, den ken ik wel n beetje meer schrieven snapst wel?

Neeltje: Mor dat is ja hartstikke gemain, as ie dat doun.

Haarm: Je mouten wel ais wat kind, want de rekens stromen ja binnen, doar is gewoon nait an te voldoun.

Neeltje: Ja, nou je t er over hebben. Ze hebben net beld van de groothandel over de reken dij nog nait betoald was. Hou ken dat nou, want ik heb hom de deur oetdoan, dat waitk haile zeker.

Haarm: Joa nou, kiek, ik heb hom eerst nog mor eevm tegenhouden, want wie haren eevm geld neudeg veur de jongens.

Neeltje: Dus hai is nait betoald, dus den staat t der inderdoad nait best veur?

Haarm: Nee, wicht t'is nait best. t Is hier gewoon C B O.

Neeltje: CBO???? En wat mag ik mie doar bie veurstellen?

Haarm: Centen Bennen Op.

Neeltje: Joa, mor dat zel ducht mie wel wat mitvalen nait?

Haarm: Nee, wicht t staat der nait best veur, wie hebben nog wel n zetje genug, mor dat duurt nait zo laank meer. Ik mot domt noar de bank om te kieken of ze mie nog wat meer krediet willen geven, mor ik ik heb der nait veul ferdusie in.

Neeltje: Den mouten wie dus wat bedenken om kop boven wotter te hollen.

Haarm: Ik denk, dat wie zwemles mouten nemen.

Neeltje: Was dat nou veur n antwoord pa? Ie loaten de moudveren toch nait zakken?

Haarm: Joa, mor wat mouten wie den? Ik heb ale verstand van auto's, mor doar holt t den ook met op. Kom, ik goa eerst mor noar de bank, den waitk tenminste zeker of t oflopen is. *(gaait of en de tillefoon gaait weer en Neeltje nemt op)*

Neeltje: Met garage Sikkema, met Neeltje spreek t u.....Oh, das nait zo mooi.....nee, dat begriep ik en dij poal?.....dij stait der nog, mor de auto total los?.....Joa, den ken ik joe de chefmonteur beter eevm geevm.....Nou ja, dat ken ook wel.....Den stuur ik hom vot noar joe tou, woar bennen ie op dit moment?.....Dij poal is ons goud bekend.....Hai is onnerwegens....OK. *(hangt op)* Nou das lekker zeg de haile auto in barrels *(ropt noar de garage)* Elzo..wilst eevm komen? *(Elzo komt binnen met zien aaiwege poetslabbe)*

Elzo: Wat ist der an de hand maaidje?

Neeltje: Most eevm met lutje kroanwoagen noar dij male bocht in de Aikenloan, want doar zit aine met auto om n poal henkrult.

Elzo: Oh en nou mout ik hom terugkrullen?

Neeltje: Most hom hier eevm hen slepen en den mouten wie kieken of der wat an te repareren vaalt.

Elzo: Zel wel total los wezen zeker?

Neeltje: Denk t wel, mor ja as wie repareren kennen, den verdainen wie ook weer wat he?

Elzo: Op zich nait verkeerd, want veul waark hebben wie nait meer op t heden.

Neeltje: Joa jong t gaait eevm wat minder, mor dat is de tied he. Nou goa mor gaauw eevm hen

Elzo: Traauwens, wie maggen dij poal wel dankbaar wezen, want dij het ons al haile wat waark opleverd. Ik haar t der lest over met ain van onze wetholders en dij zee, dij poal mout doar vot. Veuls te gevaarlek.

Neeltje: Oh, zee hai dat?

Elzo: Joa, mor ik zee tegen hom dat hai de emekomonie van ons dörp nait in gevaar mog brengen, omdat wie doar aids n bulde waark an te danken hebben.

Neeltje: Nou ja, goa mor gaauw eevm hen, want kerel stait vanzulms te wachten.

Elzo: Dat dou ik *(gaait of)*

Neeltje: Goud, den goa ik eerst mor weer deur met de rekens. *(de doames Berendje en Dientje Knollemao komen binnen.)*

B/Dientje: Moi Neeltje.

Neeltje: Hé, kiek ais an, doar hebben wie de doames Knolle-moa, kom der in, wollen ie kovvie?

Berendje: Nee, wie hebben net kovvie had en as wie teveul drinken mouten wie aalweg zo neudeg plassen.

Neeltje: Oh, mor wie hebben hier wel n toilet heur.

Dientje: Joa jullie wel, mor wie hebben thoes allent mor n wc.

Berendje: Dou nait zo dom wicht. Das toch t zulfde.

Dientje: Nou, dat wait ik toch nait.

Berendje: Stel die toch nait zo an, dat waist doe toch zekers wel, dat dat t zulfde is?

Dientje: Nah, waarom nuimen zai dat den n tolet? n Tolet, dat zegt toch haile niks en wat is den t verschil ook nog ais.

Neeltje: Toilet das Frans he? Klinkt n beetje sjieker.

Dientje: Joa en t stinkt vanzulf ook sjieker?

Berendje: Ach doe, das toch modern?

Dientje: Ken wel wezen, mor vrouger zaten de mensen gewoon op n plaank met n gat derin en dat ging net zo goud heur.

Neeltje: Mor dat is vanzulf nait zo hygienisch he?

Dientje: Ken wel wezen, mor zo'n plaank, dat is ook nait zo kold an t gat en joen gat schoonmoaken met stukkje nijsblad wil net zo goud.

Berendje: Nou ho mor weer, doar kwammen wie nait veur.

Dientje: Nee en ik dou dat ook mor t laifst in ons aigen huus.

Berendje: Wie kwammen aigenlieks om wat te vroagen veur ons kluppie.

Neeltje: Oh, veur "Soamen Ain"?

Dientje: Joa krek.

Berendje: Wie wollen aigenlieks wel ais met n kanner op stap, begriepen ie wel?

Neeltje: Ie bedoulen, dat ie met willen lopen in n wandeltocht of zo?

Berendje: Nee, wie willen nait lopen, wie willen rieden met n bus en nou haren wie docht, dat wie bie jullie messchain wel n bus kennen huren.

Neeltje: Hebben jullie doar den n riebewies veur?

Dientje: Joahoa, ik heb doar zo'n vrijvervoerkoartje veur.

Neeltje: Ik main n groot riebewies.

Dientje: Groot riebewies? Nee, dij ik heb, das mor zo'n klaain koartje (*geft an hou groot e is*)

Berendje: Kiek, wie bedoulen natuurlieks, dat wie der ook n sjaffeur bie mouten hebben.

Neeltje: Nou ja, ik ben baang dat ik joe teleurstellen mout, (*Appie komt binnen*) want wie hebben gain bus.

Appie: Ah, de wichter willen met n bus an loop? Veur t rooie kruus of zo?

Dientje: Ach nee maal jong, wie willen nait met n bus lopen. Wie willen der in zitten.

Neeltje: Nee Appie, zai willen met "Soamen Ain" n dag op raais.

Appie: Nou, van mie mag dat wel heur.

Neeltje: Appie, wie hebben gain bus, dus kennen wie ook gain bus verhuren.

Appie: Oh, ie wollen n bus huren? Mor doar is toch wel aan te komen? Wanneer wollen ie den op stap?

Dientje: Nait op stap, zee ik toch, wie willen nait lopen.

Appie: Neem mie nait van doadelk, ik main, wanneer wollen ie den an rit?

Dientje: Wat ducht die Berendina? Mörgen?

Berendje: Dat ken toch nait Dientje? Wie mouten de leden toch eerst vroagen en ook nog waiten wel der apmoal met willen.

Dientje: Oh joa, dat is ook zo.

Appie: Nou wait ik nog niks.

Neeltje: Appie wie hebben gain bus.

Berendje: Wie hebben vanoavend n vergoadern en den kennen wie pas wat besluten van hou of wat. Mor dat het gain zin as ie gain bus hebben vanzulf.

Appie: Wie hebben n bus.

Neeltje: Wie hebben gain bus.

Appie: Wie hebben n bus.

Neeltje: Nah, den waist doe meer as ik.

Appie: Das aal woar.

Berendje: Kom Dientje, wie goan eerst vot, mor komen hier mörgen nog wel eevm weer om der over te proaten. (*goan of*)

Appie: Wat n stel truttebollen nait?

Neeltje: Mor hou kenst doe nou zeggen, dat wie n bus hebben?

Appie: Oh, zokse dingen zeg ik mor zo heur en ik duur nog wel veul meer te zeggen ook. Wolst ais heuren?

Neeltje: Oh, duurst doe dat mor zo?

Appie: Joa heur.

Neeltje: Nou loat mor ais heuren den.

Appie: Holst doe van **mie**?

Neeltje: Hè? Wat is dat nou veur n vroag. Welke idioot vragt zokswat nou?

Appie: Nou ik, bevobbeld. Dus nog n keer. Holst doe van **mie**?

Neeltje: Doar geef ik die gain antwoord op. Ik ben toch zekers nait mesjokke.

Appie: Dus, doe holst nait van **mie**, mor van **nasi** den of lust doe dat ook nait?

Neeltje: Doe hest mie veur t zootje, das nait mooi van die.

Appie: Nou ik docht bie miezulf as zai nou van **mie** holt den neem ik heur n keer met noar de chinees. Nou ja den nait, loat wie t den mor over dij ol wichter hebben van zopas.

Neeltje: Presies, die lu komen mörgen ja weer. En den?? Wat wolst den zeggen? *(Elzo komt weer binnen)*

Elzo: Zo dij staait op t binnenploatsje, mor wel totallöss.

Appie: Hest dat tegen dij man zegd?

Elzo: Nee dat nait, want hai was der nait meer bie, zai hebben hom noar t grootzaikenhoes in stad brocht.

Appie: Nou ja, den kennen wie t wrak eerst nog ais goan bekieken ja.

Elzo: Dat het waaineg zin ducht mie, mor hou is t oflopen met de woagen van de freule?

Appie: Oh, ik ben eevm bie de baauwmarkt langs goan om zo'n luk hoakje woar je auids joen handdouk aan hangen.

Elzo: Dat vruig ik die nait, ik vruig hou t met de...

Appie: woagen van de freule was? Nou dij is sikkom kloar en den main ik zunder problemen.

Elzo: Dat zol ja n wonder wezen, ik ben ales bie langs west en kon gain mankement vinden.

Appie: Ik mout nog eevm dat hoakje an t dashboard hangen en kloar is Kees...eh..de freule main ik.

Elzo: Verder ales goud? Gain last meer van t heufd? Oorsoezen of zokswat?

Neeltje: Hai is laank nait goud Elzo, want hai wol net an de doames Knollemoa n bus verhuren met sjaffeur.

Elzo: Dat mainst toch nait Neeltje?

Haarm: Hai zee t.

Elzo: Is dat zo Appie?

Appie: Joazeker.

Elzo: En woar wolst dij den wel vot hollen?

Appie: Nou...eh van....joa, dat wait ik nog nait. *(Haarm komt weer binnen, ingezakt en nogal triesteg)*

Neeltje: Ie kieken nait slim blied oet pa. Is der wat?


Haarm: Slecht nijs veur ons apmoal. Wie zitten in crisistied en doar hebben n bulde zoaken onder te lieden, wie ook. De zaak gaait dicht jongens, ik krieg gain geld meer bie de bank *(ontzetten bie elk)*

Elzo: Dat mainen ie toch nait boas, hou mout dat den wieder?

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto